

[Kosmo Online / Negara /](#)

## Kementerian akan bangunkan platform pertukaran data terbuka - Gobind

13 November 2018 3:22 PM



Gobind berkata, kementerian dan agensi-agensinya masih mengkaji proses dan mekanisme bagi tujuan tersebut. Gambar fail  
KUALA LUMPUR - Kementerian Komunikasi dan Multimedia akan membangunkan platform data terbuka bagi menyediakan akses kepada data kerajaan sambil menggalakkan industri berkongsi data mereka.

Berucap merasmikan Forum Transformasi Digital Asia di sini hari ini, Menteri, Gobind Singh Deo berkata, inisiatif baharu itu akan dibangunkan secara bersama dengan Unit pemodenan Tadbiran dan Perancangan Pengurusan Malaysia serta Jabatan Perlindungan Data Peribadi.

Mengulas perkara itu kepada pemberita kemudian, beliau berkata kementerian dan agensi-agensinya di bawahnya masih mengkaji proses dan mekanisme bagi tujuan tersebut.

"Saya perlu membentangkannya kepada kabinet pada suku pertama tahun depan. Jika Kabinet luluskan, kita boleh mula mengusahakannya. Perkara ini ambil masa. Saya rasa jika kita lihat di tempat lain sudah ada negara yang memulakannya," kata Gobind.

Menurutnya, masyarakat dapat mengakses banyak maklumat di negara terbabit menerusi kerajaan digital dan ia juga dapat membantu industri serta sektor komersil. - Bernama

### Popular

Penganggur bunuh pasangan sejenisnya, berdepan hukuman mati

Pelakon Zalbo meninggal dunia

Isteri hamil anak teman baik

17 ADUN pembangkang keluar DUN

'Nak hisap rokok, pergi tempat lain' - Dzulkefly

Mazlee lantik tiga Timbalan Naib Canselor UITM yang baharu

Wang dicuri 1MDB tidak akan dibawa pulang ke Malaysia - Tun Mahathir

Ke Atas